

大宋高僧傳卷第二十一 此号十卷 營一

左街天壽寺通慧大師賜紫 贊寧

左街相國寺講經論大德賜紫 智輪

同奉

勅撰

感通篇第六之四 正傳三十八人 附見

唐五臺山法華院神英傳一

唐五臺山華嚴寺牛雲傳二

唐五臺山清涼寺道義傳三

唐五臺山竹林寺法照傳四

唐清涼山祕魔巖常遇傳五

唐成都府永安傳六

唐衢州靈石寺慧聞傳七

唐朔方靈武下院無漏傳八

唐杭州靈隱寺寶達傳九

唐代州北臺山隱峯傳十 亡名 鳩和尚

唐興元府中梁山寺上座亡名傳十一

唐太原府崇福寺文爽傳十二

唐福州保福寺本淨傳十三

唐成都府法聚寺法江傳十四 興善寺異僧

唐彭州九隴茶籠山羅僧傳十五

唐明州奉化縣契此傳十六

唐鄴都開元寺智誓傳十七

唐鳳翔府審師傳十八

唐五臺山法華院神英傳

釋神英罔知姓氏滄州人也宿緣悟道卅歲從師諷誦精勤日夜匪懈年當應法受具後乃仗錫萍遊尋訪知識早通玄話兼擅論經相次參神會禪師謂英曰汝於五臺山有緣速宜往彼瞻禮文殊兼訪遺跡既承指授以開元四年六月中旬到山瞻禮於僧厨止泊一日食畢遊於西林忽見一院題曰法華英遂入中見多寶塔一座暉暉繁華如法華經說同也其四門玉石功德細妙光彩神工罕測後面有護國仁王樓上有玉石文殊普賢之像前有三門一十三間內門兩畔有行宮

道場是文殊普賢儀仗三門外狀臺山十寺  
杳然物外觀瞻浩蕩神情恍惚莫試出院又  
見衆僧且非恒所見者而多詭異疑預未丈  
遂出門東行可三十步忽聞閉戶鏗然迴目  
視之了無一物英乃悲泣曰此大聖警悟我  
邪於此地必有緣矣遂於髣髴多寶塔處結

營一

二

張安

庵而止乃發願曰我依化院建置一所住持  
日居月諸信施如林歸依者衆遂召工匠有  
高價者誓不酬之乃於易州千里取乎玉石  
用造功德細妙光瑩功俾所見其壁乃王府  
友吳道子之跡六法絕妙爲世所尚此院前  
後工畢因號法華耳英說法住持其齊整若

剪裁焉後無疾召門人囑付而終春秋七十  
五今墳塔存矣

唐五臺山華嚴寺牛雲傳

釋牛雲俗姓趙鴈門人也童蒙之歲有似神  
不足遣入鄉校終日不知一字惟見僧尼合  
掌有畏憚之貌年甫十二二親送往五臺華

嚴寺善住閣院出家禮淨覺爲師每令負薪  
汲水時衆輕其朴鈍多以謔浪歸之年滿受  
具益難誦習及年三十有六乃言曰我聞臺  
上恒有文殊現形我今跣足而去儻見文殊  
惟求聰明學誦經法耳時冒寒雪情無退屈  
至東臺頂見一老人然火而坐雲問曰如此

雪寒從何而來老人曰吾從川下來雲曰從  
何道上何無履跡曰吾雪前來老人却問雲  
曰有何心願犯雪徒跣而至豈不苦也雲曰  
吾雖爲僧自恨昏鈍不能誦念經法此來欲  
求見文殊只乞聰明果報老人曰奇哉又曰  
此處不見文殊更欲何之雲曰欲上北臺去

營一

三

仁

老人曰吾意亦然曰請師先行雲乃遊徧臺  
頂告別老人自西而去薄暮方到北臺又見  
老人然火而坐頗爲驚怪問曰適於東臺相  
別爲何先至老人曰師不知要路所以來遲  
雲雖承此語心乃猶豫只此老人莫應文殊  
也雲乃鳴足禮拜老人曰吾俗人也不應作

礼唯貪設礼情屬不移良久老人云休礼俟  
 吾入定觀汝前身作何行業而昏鈍也老人  
 閉目俟爾開顏語雲曰汝前生為牛來因載  
 藏經今得為僧而闇鈍耳汝於龍堂邊取一  
 鏤來與汝斲却心頭淤肉即明快也雲遂得  
 鏤度與老人曰汝但閉目俟吾教開即開因  
 閉目次有似當心施鏤身無痛苦心乃豁然  
 似闇室立於明燈巨夜懸於圓月也雲開目  
 乃見老人現文殊像語雲曰汝自後誦念經  
 法歷耳無忘又於華嚴寺澗東院大有因緣  
 無得退轉雲乃行悲行泣接足而礼未舉頭  
 頃不見菩薩矣雲後下山四支無損凡曰經  
 典目所一覽輒誦於口明年夏五月遠育王  
 塔行道念經至更初乃見一道直光從北臺  
 頂連瑞塔基久而不散於光明中現實閣一  
 所前有金牌題云善住雲憶菩薩授記之言  
 依光中所現之閣而建置焉道化施行人咸貴  
 重於開元二十三年無疾而終俗齡六十三

法臘四十四矣雲名亡上字承文殊記識本  
 迹為牛故時號之馬  
 唐五臺山清涼寺道義傳  
 釋道義江東衢州人也開元中至臺山於清  
 涼寺粥院居止典座普請運柴負重登高頗  
 有難色義將竹鞋一緇轉貨人荷擔因披三  
 事納衣東北而行可五里來於楞伽山下逢  
 一老僧其貌古陋引一童子名字覺一老僧  
 前行童子呼請義東邊寺內啜茶去乃相隨  
 入寺徧礼諸院見大閣三層上下九間摠如  
 金色閃爍其目老僧令遣義早還所止山寒  
 難住唯諾辭出寺行及百步迴顧唯是山林  
 乃知化寺也却迴長安大曆元載具此事由  
 奏寶應元聖文武皇帝蒙勅置金閣寺宣十  
 節度助緣遂召蓋造都料一僧名純陀為度  
 土木造金閣一寺院元是西域那爛陀寺喜  
 鵝院僧寺成後勅賜不空三藏焉義不測其終  
 唐五臺山竹林寺法照傳

張仁

釋法照不知何許人也大曆二年棲止衡州雲峯寺勤修不懈於僧堂內粥鉢中忽觀五彩祥雲雲內現山寺寺之東北五十里已來有山山下有澗澗北有石門入可五里有寺金榜題云大聖竹林寺雖目擊分明而心懷隕獲他日齋時還於鉢中五色雲內現其五臺諸寺盡是金地無有山林穢惡純是池臺樓觀衆寶莊嚴文殊一萬聖衆而處其中又現諸佛淨國食畢方滅心疑未決歸院問僧還有曾遊五臺山已否時有嘉延曇暉二師言曾到言與鉢內所見一皆符合然尚未得臺山消息暨四年夏於衡州湖東寺內有高樓臺九旬起五會念佛道場六月二日未時邊見祥雲彌覆臺寺雲中有諸樓閣閣中有數梵僧各長丈許執錫行道衡州舉郭咸見彌陀佛與文殊普賢一萬菩薩俱在此會其身高大見之者皆深泣血設禮至西方滅照其日晚於道場外遇一老人告照云師先發

營一

五

張

願往金色世界奉觀大聖今何不去照怪而答曰時難路艱何可往也老人言但亟去道路固無留難言訖不見照驚入道場重發誠願夏滿約往前任是火聚冰河終無退衄至八月十三日於南嶽與同志數人惠然肯來果無沮礙則五年四月五日到五臺縣遙見佛光寺南數道白光六日到佛光寺果如鉢中所見略無差脫其夜四更見一道光從北山下來射照照忙入堂內乃問衆云此何祥也吉凶焉在有僧答言此大聖不思議光常答有緣照聞已即具威儀尋光至寺東北五十里間果有山山下有澗澗北有一石門見二青衣可年八九歲顏貌端正立于門首一稱善財二曰難陀相見歡喜問訊設禮引照入門向北行五里已來見一金門樓漸至門所乃是一寺寺前有太金榜題曰大聖竹林寺一如鉢中所見者方圓可二十里一百二十院皆有寶塔莊嚴其地純是黃金流渠花

樹充滿其中照入寺至講堂中見文殊在西  
普賢在東各據師子之座說法之音歷歷可  
聽文殊左右菩薩萬餘普賢亦無數菩薩圍  
繞照至二賢前作禮問言末代凡夫去聖時  
遙知識轉劣垢障尤深佛性無由顯現佛法  
浩澣未審修行於何法門最爲其要唯願大  
聖斷我疑網文殊報言汝今念佛今正是時  
諸修行門無過念佛供養三寶福慧雙修此  
之二門最爲徑要所以者何我於過去劫中  
因觀佛故因念佛故因供養故今得一切種  
智是故一切諸法般若波羅蜜甚深禪定乃  
至諸佛皆從念佛而生故知念佛諸法之王  
汝當常念無上法王令無休息照又問當云  
何念文殊言此世界西有阿彌陀佛彼佛願  
力不可思議汝當繼念令無間斷命終之後  
決定往生永不退轉說是語已時二大聖各  
舒金手摩照頂爲授記別汝已念佛故不久  
證無上正等菩提若善男女等願疾成佛者

普一

六

張仁

無過念佛則能速證無上菩提語已時二大  
聖互說伽陀照聞已歡喜踊躍疑網悉除又  
更作禮禮已合掌文殊言汝可往詣諸菩薩  
院次第巡禮授教已次第瞻禮遂至七寶果  
園其果纔熟其大如盤便取食之食已身意  
泰然造大聖前作禮辭退還見二青衣送至  
門外禮已舉頭遂失所在倍增悲感乃立石  
記至今存焉復至四月八日於華嚴寺西樓  
下安止泊十三日照與五十餘僧同往金剛  
窟到無著見大聖處虔心禮二十五佛名照  
禮纔十徧忽見其處廣博嚴淨琉璃宮殿文  
殊普賢一萬菩薩及佛陀波利居在一處照  
見已惟自慶喜隨衆歸寺其夜三更於華嚴  
院西樓上忽見寺東山半有五聖燈其大方  
尺餘照呪言請分百燈歸一畔便分如願重  
謂分爲千炬言訖便分千數行行相對遍於  
山半又更獨詣金剛窟所願見大聖三更盡  
到見梵僧稱是佛陀波利引之入聖寺語在

覺救傳至十二月初遂於華嚴寺華嚴院入念佛道場絕粒要期誓生淨土至于七月初夜正念佛時又見一梵僧入乎道場告云汝所見臺山境界何故不說言訖不見照疑此僧亦擬不說翌日申時正念誦次又見一梵僧年可八十乃言照曰師所見臺山靈異胡

營一

七

七

不流布普示衆生令使見聞發菩提心獲大利樂乎照曰實無心秘藏聖道恐生疑謗故所以不說僧云大聖文殊見在此山尚招人謗況汝所見境界但使衆生見聞之者發菩提心作毒鼓緣耳照聞斯語便隨憶念錄之時江東釋慧從以大曆六年正月內與華嚴寺崇暉明謙等三十餘人隨照至金剛窰所親示般若院立石標記于時徒衆誠心瞻仰悲喜未已遂聞鐘聲其音雅亮節解分明衆皆聞之驚異尤甚驗乎所見不虛故書于屋壁普使見聞同發勝心共期佛慧自後照又依所見化竹林寺題額處建寺一區莊嚴精

嚴便號竹林焉又大曆十二年九月十三日照與弟子八人於東臺觀白光數四次有異雲靉靄雲開見五色通身光光內有圓光紅色文殊乘青毛師子衆皆明見乃霏微下雪及五色圓光徧於山谷其同見弟子純一惟秀歸政智遠沙彌惟英優婆塞張希俊等照

後篤輩其心修練無曠不知其終絳州兵掾王士詹述聖寺記云

系曰佛成就三身必居三二顯正依報莊嚴故菩薩未霑國土名但云住處修淨佛國因隨生佛家故華嚴經有菩薩住處品焉經云唯佛一人居淨土此下不僭上也若八字陀

羅尼經云文殊大願力與佛同境界境界淨則說法淨則三土義齊也問諸經中佛住王舍城等可非住處邪通曰此義同名別或可上得兼下也又如兜率宮院是補處淨域寶陀落清涼支提等山皆是菩薩淨識所變刹土也若然者淨土與住處義同名異耳如法

照入竹林聖寺見文殊淨境也諸於山嶺見老人童子等則穢土見聖人

唐清涼山祕魔巖常遇傳

釋常遇俗姓陰范陽人也出家於燕北安集

寺襟懷灑落道貌清竒晦跡林泉避脫聲利

大中四年杖錫離燕孤征朔雪祁亘千里徑

營一

八

仁

涉五峯詣華嚴寺菩薩堂矚文殊睥容施右

手中指沃以香膏焚以星焰光騰半日怡顏

宛然次徧遊聖境終始兩暮其所觀祥瑞不

可勝紀後至西臺遇古聖跡曰祕魔巖乃文

殊降龍之處也遇稽首之際忽見輕雲金光

爛爛駭目漸分雉堞方勢如城咸曰金色世

界也化事畢復問其處僧曰是地古德嘗止

國贈金光照大師名節孤峻神異不測載錄

圖記人具爾瞻遇悲喜交感久而不已始結

茅茲地滌慮澄神入三摩呬多四十九日鳥

排花雨人華香雲揚袂握衣歸依若市乃剏

興佛廟僧宇十有七年不下山頂日以九會

雜花五部等法翫味精課不遺寸陰覺聖力

潛通道出凡境事或禮問他見莫尋士嚮庶

歸克念如聖泊懿皇運末遇易舊規或拊掌

大哈或擊石異語類不輕之海記同楚客之

佯狂及禍發中原冠盜交騁夷撤宮壺鑿輅

蒙塵因省師言其若合契矣時屬河東武皇

遣嚮真德就山致信迨文德元年夏四月命

憲州刺史馬師素傳意邀請遇曰浮世之寵

辱我何累哉堅拒遠徵確乎不拔以其年十

月十八日召門弟子曰爾可檢護戒足好任

餘生吾與汝決矣言訖儼然蟬蛻俗歲七十

二僧夏五十一門人太文等哀慟哽絕龍紀

營一

九

方

初祀四月十八日闍維獲設利羅凡數十粒

文公堅貯孝思旌建靈塔銜哀出入投詣天

府武皇贈贈加等文武崇烈及嵐憲等州牧

守例刻清俸俾助良因建乎墳塔即以九月

二十五日封寔基塔也

唐成都府永安傳

釋永安眉州洪雅人也身裁么麼面色黧黯言音鄙惡而識量寬舒大抵不可貴也大中八年三月中詣成都云造謁府帥白公敏中請奏寺額以其足跋肩輿而至人皆未嘗見其登圓而旋溺也故時呼為無漏師安置聖壽寺中且十日白中令俾老僧五六晝夜互

守之而伺察焉內外飲食亦略同常人而無解衣去二行之意詳其十辰之積便旋何所畢不可知司徒白公素額到日便解歸眉郡判官盧求見之謂為小沙彌耳人云此師年已八十餘矣

系曰蜀人謂安公為無漏師者非也夫斷煩

惱不復隨增故永無種習乃稱之無漏今以飲食之餘歸于九孔安公止二竅不流耳瑜伽云無內逼惱分也然其位次忍住難知吸茹如常何緣不流二竅觀夫對法論中有清淨依止住食示現依止住食二種則羅漢菩薩佛也若然者安公是示現依止住食雖食

不食滓穢奚生必也正名以召其體哉

唐衢州靈石寺慧聞傳

釋慧聞信安人也多勸勉擅那以福業為家常言未預聖位於五道中流轉非福何憑嘗於激江鑄丈八金身像州未聽許銅何從致且曰待大施主居無何有清溪縣夫妻二人

將嫁資鑑來拾聞為誓呪之曰此鑑鼓鑄若當佛心前乃是夫妻發心之至也迨脫摹露像果然鑑當佛心肯聞矣又嘗往預章勸化獲黃金數鎰俄遇賊劫掠事急遂投金水中曰慮損君子福田請自澆漉捨聞聞去賊徒泳水求之不得及聞到州金冥然已在其院

營一

十

中若役人用匠不避譏嫌得物見多自提魚貫彘肩飼工人焉又山路虎豹聞或逢之將杖叩其腦曰汝勿害人吾造功德何不入緣明日虎銜野猪投聞前弭尾而去凡舉事皆成歸信如流率多奇異焉  
唐朝方靈武下院無漏傳

釋無漏姓金氏新羅國王第三子也本土以其地居嫡長將立儲副而漏幼慕延陵之讓故願為釋迦法王子耳遂逃附海艦達于華土欲遊五竺禮佛八塔既度沙漠涉于闐巴西至葱嶺之墟入大伽藍其中比丘皆不測之僧也問漏攸往之意未有奇節而詣天竺

僧曰舊記無名未可輒去此有毒龍池可往教化如其有驗方利涉也漏依請登池岸唯見一胡牀乃據而坐至夜將艾霆雷交作其怪物吐氣蓬敷種種變現眩曜無恒漏瞑目不搖譬如建木挺拔豈微風可能傾動邪持久乃有巨蛇蟻首于膝上漏悲憫之極為受

三歸而去復作老人形來致謝曰蒙師度脫義無久居吾三日後捨鱗介苦依得生勝處此去南有磐石是弟子捨形之所亦望閑預相尋遺骸可矣後見長偉而天矯僵于石上歟寺僧咸默許之又曰必須願往天竺者此有觀音聖像禱無虛應可祈告之得吉祥兆

卷一

十一

法仁

可去勿疑漏乃立于像前入於禪定如是度四十九日身嬰虛腫略無傾倚旋有鼠兒猶彈丸許咋左脰潰黃色薄膿可累斗而愈漏限滿獲應群僧語之曰觀師化緣合在唐土心存化物所利滋多足倦遊方空加聞見不可強化師所知乎漏意其賢聖之言必無唐發如是却迴臨行謂漏曰逢蘭即住所還之路山名賀蘭乃馬前記遂入其中得白草谷結茅栖止無何安史兵亂兩京版蕩玄宗幸蜀肅宗訓兵靈武帝屢夢有金色人念寶勝佛於御前翌日以夢中事問左右或對曰有沙門行迹不群居于北山兼恒誦此佛號肅宗乃宣徵不起命朔方副元帥中書令郭子儀親往諭之漏乃爰來帝視之曰真夢中人也迨乎羯虜盪平翠華旋復置之內寺供養諒乎猴輕金鑠鳥厭雕籠累上表章願還舊隱帝心眷重答詔遲留未遂歸山俄云示滅焉一日忽於內門右闔之上化成雙足形不

及地者數尺闍吏上奏帝乘步輦親臨其所得遺表乞歸葬舊隱山之下即時依可葬務官供乃宣卸門扇置之設奠遣中使監護鹵簿送導先是漏行化多由遠縣因置廨署謂之下院喪至此神座不可輒舉衆議移入構別堂宇安之則上元三年也至今真體端然曾無變壞所卧中禁戶扇乃當時之現瑞者存焉

唐杭州靈隱寺寶達傳

釋寶達者不知何許人也道是名山高乎道望號刹利法師以持密呪爲恒務其院中有印沙牀照佛鑑往者浙江也驚濤巨浪爲害

實深其潮大至則激射今湖上諸山焉達哀其桑麻之地悉變爲江遂誦呪止濤神之患一夜江濤中有偉人玄冠朱衣導從甚繁而至謂達曰弟子是吳伍負復仇雪耻者非他人也師慈心爲物負已聞命矣言訖而滅明日寺僧怪問昨夜車馬之喧爲誰具言其事

卷一

十一

七

其冥感神理多此類也自爾西岸沙漲彌年還爲百姓殖利時所推稱翕然敷化後罔知所終

系曰印沙牀者何通曰有道之士居山必非寶器疑其斲築江沙巧成坐榻歟照佛鑑者何通曰即鑑燈耳以其陸鴻漸貞元中多遊是山述記記達師節儉而明心之調度也

唐代州北臺山隱峯傳古名 鳩鳩

釋隱峯俗姓鄧氏建州邵武人也稚歲慈狂不徇父母之命出家納法後往觀方見池陽南泉禪師令取澡罐提舉相應爲願公所許焉終認嗣焉禪師耳峯元和中言游五臺山路出淮西屬吳元濟阻兵違拒王命官軍與賊逼交鋒未決勝負峯曰我去解其殺戮乃擲錫空中飛身冉冉隨去介兩軍陣過戰士各觀僧飛騰不覺抽戈匣刃焉旣而游徧靈跡忽於金剛窟前倒立而死亭亭然其直如植時議靈穴之前當昇就藝屹定如山併力

不動遠近瞻觀驚歎希奇峯有妹為尼入五  
臺嘆目咄之曰老兄疇昔為不循法律死且  
榮惑於人時衆已知妹雖骨肉豈敢攜貳請  
從恒度以手輕攘憤然而仆遂茶毗之收舍  
利入塔號鄧隱峯遺一頌云獨絃琴子為君  
彈松柏長青不怯寒金礦相和性自別任向

卷一

十三

仁

君前試取看

系曰僵屍累足於事一同立逝坐亡為修三  
昧此者頭指厚載履蹈青冥逆恒理以難知  
諒是人而不測若斯倒置振古一人其妹尼  
之讓也若屈平為女類之罵馬如幻之功善  
權大矣或曰淮西之役唐書胡弗載隱峯飛

錫解陣邪通曰小說所傳或得其實是故春  
秋一經五家作傳可得同乎

又漢州開化寺釋亡名先因入寺見瑞應交  
現遂誓捨身尅苦為期忽於殿中焚香次俄  
覩地屋皆為琉璃色有菩薩乘五色雲下庭  
中曰汝極堅至必當得道吾來證汝亡名叩

頭禮拜斯須不見寺僧至云學院內皆變琉  
璃色嘆咤不已其僧復勤節行焉又鄧州有  
僧亡名年且衰朽游行獲鄧州間日食二鵝  
鳩僧俗共非之老僧終無避迴嘗饌羞之次  
有貧士求食分其二足與之食食訖老僧盥  
漱雙鳩從口而出一則能行一則匍匐在地  
貧士驚怪亦吐其餘其鳩二足復全其僧實  
不食此禽自爾衆人崇重號曰南陽鳩鳩和  
尚也有嘆之曰昔青城山香閣梨飲酒啖肴  
然後吐出雞羊肉皆化作本形飛鳴而入坑  
穴中同也

唐興元府梁山寺上座亡名傳

釋亡名者不知何許人也居褒城西數十里  
號中梁山數峯廻負翠碧凝空處于厥中行  
終詭異言語不常恒見者弗驚乍親者可怪  
平常酷嗜酒而食肉麤重公行又綱任衆事  
且多折中僧亦畏焉號為上座時群緇伍一  
皆做習唯此無懼上座察知而興嘆曰未住

淨心地何敢逆行逆行非諸人境界且世云金以火試待吾一日一時試過開成中忽作大餅招集徒衆曰與汝曹游尸陀林去蓋城外山野多墳塚人所弃屍於此故云也上座踞地舒餅裹腐爛死屍向口便啖俊快之狀頗嘉同游諸僧皆掩鼻唾地而走上座大叫

營一

十四

仁

曰汝等能餒此肉方可餒他肉也已自此繼徒謔悟化成精苦焉遠近歸信時右僕射柳仲郢任梁府親往禮重終時云年可八九十真影存于山寺至今梁益三輔間止呼爲興元上座云奇蹤異迹不少未極詳焉

系曰上座始則爾之教矣後則民胥効矣曾

不知果證之人逆化於物終作佛事用謔未萌故若歸其實乃對法論中諸大威德菩薩示現食力住故也如有妄云得果此例而行則如何野干鳴擬學師子吼者乎

唐太原崇福寺文爽傳

釋文爽不詳姓氏何許人也早解塵纓披開

愛網從師問道天然不睡縱困憊之極亦唯趺坐此行長坐頭陀也後獨棲丘隴聞霖雨決旬旁無童侍有蛇入爽手中蟠屈時有人召齋彼怪至時不赴主重來請見蛇驚懼失聲蛇乃徐徐而下固命往食爽辭過中不食終夕翌日有狼呀張其口奮躍欲噬咋之狀

者三爽憫其飢火所熬復自念曰糠囊無恪施汝一食願疾成堅固之身汝受吾施同歸善會斯須狼乃弭耳而退及乎卒日空中鐘磬交響遲久方息門徒鄉人聚送殯之亦日有幡數十口蔽空前導異香普熏舉衆悲嘆如失恃怙焉

營一

十五

方

唐福州保福寺本淨傳

釋本淨者未詳何許人也道氣高抗人覩肅然響聞嶺多禪宗知識故歷叅之聞長溪縣霍童山多神仙洞府乃經中所謂天冠菩薩領徒侶居此說華嚴性海法采樵者多聞天樂異香鳥獸之瑞然山中不容凡惡故多被

斤逐淨入山結茅為室有石穴謂之毒窟淨居于穴側其龍夭矯而出變現無恒遂呼召之而馴擾焉又諸猛虎橫路為害採樵者不敢深入淨撫其頭誠約丁寧弭耳而去嘗清宵有九人冠幘袴褶稱寄宿盡納諸庵內明旦告辭偕化為鶴鳴唳空中而去淨罔知其然也

唐成都府法聚寺法江傳興善寺舊

釋法江者江東人也來遊岷蜀居于法聚寺即隋蜀王秀之造也寺內有仁壽中文帝樹舍利塔江以慈憫為懷多逆知其來言無少悞嘗在房中謂門人曰外有萬餘人盡戴帽形且攀躐從吾乞救汝速出寺外求之不見人物弟子怪師之言何其倒亂徒倚之間有數十人荷檐竹器中螺子至江曰此之是歟命取錢贖之投于水中矣又長安大興善寺本隋舍衛寺也至唐先天中火災殿宇蕩然唯遺基耳明慶中東明觀道士李榮者本

巴西人也好事薄徒多與釋子爭競優劣崇來玄都觀因率黃冠指其灰燼而嘲之曰道善何曾善言興且不興如來燒赤盡唯有一群僧僧中有憤其異宗譏誚者急慕勸重新締構復廣於前十二畝之地化緣雖日盈千萬計未能成僧眾搔首躊躇未知何理克成忽有一僧衣服麤弊形容憔悴負一破囊入緣言速了佛殿步驟而去啓視之則黃金也校未之一千兩矣時人奇之由此檀施日繁殿速成矣

唐彭州九隴茶籠山羅僧傳

釋羅僧者蜀聖寺中得果位人也嘗寢疾於

營一

十六

方

五臺山同會僧人俱不測也而瞻視之曾無怠慢將及九旬而病愈臨訣之際曰深感所苦而煩看視今遂平復由師之力我住在劍外九隴郡之茶籠山亦異日遊方無忘相訪也暮歲而至蜀歷訪群峯徧詎老樵輩且曰未嘗聞茲山名乃嘆曰噫病禪之妄也將廻

遇山童曰某是彼巖之聚沙者即前導而去俄觀殿塔儼空房廊環肅果值昔之卧病者迎門敘故日將暮矣而謂之曰茲寺非得漏盡通不能至此余以我宿緣一詣遽止言寄宵乎斯為未可介其克勤修證至此胡難乃命舊童送師歸去其僧迴望但見巖壁峭峻杉檜莽蒼而已則開成中也時悟達國師知玄著傳之次得僧可思尤閑地理命為玄作他日安坐兆之地得景丹前峯其山若雉堞狀雖高低起伏而中砥平俄有里人耆老曰古相傳云茶籠山矣

唐明州奉化縣契此傳

釋契此者不詳氏族或云四明人也形裁腰肢感頰顴腹言語無恒寢卧隨處常以杖荷布囊入鄞肆見物則乞至于醢醬魚菹繞接入口分少許入囊號為長汀子布袋師也會於雪中卧而身上無雪人以此奇之有偈云彌勒真彌勒時人皆不識等句人言慈氏垂

卷一

七

迹也又於大橋上立或問和尚在此何為曰我在此覓人常就人乞啜其店則物售袋囊中皆百一供身具也示人吉凶必現相表兆亢陽即曳高齒木屐市橋上豎膝而眠水潦則係濕草屨人以此驗知以天復中終于奉川鄉邑共埋之後有他州見此公亦荷布袋行江浙之間多圖畫其像焉

唐鄴都開元寺智習傳

釋智習不知何許人也少而英偉長勤梵學凡諸經論一聽入神其所講宣也音辯瀏亮每臨臺座自謂超絕所患者聽眾無幾虞其以水傳器器不空緊我獨無乃辜佛意遂負箱帙徧歷名山以詢智者末至衡岳寺憩息月餘嘗於寺閑齋獨自尋繹疏義復自咎責曰所解義理莫違聖意乎沈思兀然偶舉首見老僧振錫而入曰師讀何經論窮何義理習疑其名岳之內車轍原中羅漢混凡曾何可測乃自述本緣因加悔責又曰儻蒙賢

達指南請受甘心鈴口結舌不復開演矣老僧笑曰師識至廣豈不知此義大聖猶不能度無緣之人況其初心乎師只是與衆生無緣耳誓曰豈終世若此乎老僧曰吾試為爾結緣遂問誓今有幾資糧耶誓曰自北徂南裂裳裹足已經萬里所賣皆罄竭矣見受時

九條衣而已老僧曰只此可矣必宜鬻之以所易之直皆作糜餅油食之調習如言作之約數十人食遂相與至垆野之中散撥餅餌焚香長跪呪曰今日食我施者願當來之世與我爲法屬我當教之得至菩提言訖烏鳥亂下啄拾地上螻蝻蠅蠶莫徵其數老僧曰

爾後二十年方可歸開法席今且周遊未宜講說也言訖而去誓由是精進道力不倦研摩義味滋多志在傳授至二十年却歸河北盛化鄴中聽衆盈千數人皆年二十已來其老者無二三人焉

系曰中有末位變定難移今世所修必招當

卷一

十八

張

果今智誓依異僧之教令二十年後待聽徒一如其言如此則當生修當生果端故弗誣矣詩曰俟河之清人壽幾何將知永壽之人河清屢見矣

唐鳳翔府審師傳

釋審師者岐陽人也亡其名時以姓呼之耳

往來無恒止出處如常僧昭宗即位初年居山寺中忽暴終安卧體暖忽忽如爛寢焉僧徒環守不敢殯斂三日而蘇衆驚奔問之曰我爲冥司追攝初見一判官云和尚壽在而無祿乃召吏語之與檢覆吏曰只有乾荷葉三石因令注於簿又命一人引之巡歷觀遊

去乃入一門見數殿各有榜於是徒步至一殿署云李克用於牖間窺有一黑龍眇一目中立鐵柱連鑠繫維之次一殿署曰朱全忠乃青鞞白額虎鑠繫如初而前有食噉人血狼籍之狀次署曰王建黃金牀上卧一白兔焉次署曰李茂貞具冠冕如王者左右數侍

女馬次署曰楊行密窻牖庫黑不能細瞻問使者曰此諸怪狀者何邪曰將來王者也旁廂數殿望之黯黯使者不容引去還至本所判官廳事謂使者曰好送師迴但多轉念功德經竊問曰孰是功德經曰金剛般若若此經冥間濟拔功力無比及乎蘇醒四顧久

營一

十九

仁

之乃述前事聞者駭然遂聞于官後岐帥怪宏迂而妄都不之信厥後茂貞果封秦王李克用枉濫殺戮踰獨眼龍也朱氏革于唐命殘害安忍傅翼擇肉非虎而何蜀王建屬免阻兵自固天祐丁卯僭偽號以金飾牀也諸皆符合竊自此每斷中唯荷葉湯而已其諸食饌逆口不食秦隴之人往往請竊入冥預言吉凶更無蹉跌或請齋爭辦淨池嫩荷號為入冥和尚終于此下

系曰入冥之說與夢略同穆王將化人歡宴秦穆得上帝翦鷄形在人間神游上界前言既發後事必然是知六候八徵諒非虛也竊

師入冥與後唐馬珣見天符下以潞王為天子無異竊所見殿中物象題榜終符其述謂之為夢想夢想有徵謂之為神遊神遊不謬將知覺夢惟一明昧有殊如攝論云如夢等覺時一切處唯有識也有若古莽國多眠五旬一覺以夢為實以覺為妄若然者覺之所為為夢之先兆也而取實於夢中真實也夢覺反用其猶一歟竊師非妄者果梁革唐命二李王楊皆與天子抗衡諸殿遠望者得非餘割據群雄偏霸者乎所食荷葉與隋僧法慶同故幽冥等錄中康何德次李山龍入冥而返說事皆驗焉經云猶如睡夢人知一切諸物有身不移本處是也

于末張安

大宋高僧傳卷第二十一

營一